

9. Čoovčâ culáiditmeh

Tiervâ oppeet!

Čoovčâ culáiditmeh tääbbin Urho Kekkosii aalmuglášmееcist!

Hoppuus keesi lii tyehin já čohčâ šuuvijd jo tääbbin.

Mii čohčuv šuuvijd?

Mahtnii oro, ete muorâi loostâi jienâid kulá čohčuv pyerebeht,

ko kesilodeh láá vuálgám tálvástállâmkuávlusis.

Keessiv jienâmaailm lii tievâ sierâlágán jienâid;

luudij lávlum, čiivgâi civkkem já sierâlágán larmâudâgááh.

Mutâ čohčuv puohlágáneh jienah láá luándust muu mielâst ucceeb.

Mast uáiná, ete luándust lii čohčâ?

Návt čohčuv luándust lii eromáš muččâd já ivnáá.

Čohčuv soovij, soorij já maanġâi eres šadoi loostah muttojeh tego káidistmáin ruopsâdin tâi fiskâdin.

”Kal tot lii nuuvt fijjnes”,

culijdim oovtâ vielgis suáhiruġo paaldâst!

Keessiv loostah láá ruánááh,

lostâruánááruánááh

ađai loostâin lii lostâruánáá.

Kuus ruánáá láppoo loostâin?

Lostâruánáá ij kirde piegâ mielđ meddâl.

Lostâruánáá ij koočâ enâmân tego laaddâġ, mon puávtaččij nuurrâđ.

Suáhi norá lostâruánáá viehâ tárkká vuárkán.

Čohčâ lii suáhán taggaar äigi,

ete kalga ráhtáđttâđ táálvi várás.

Suáhi-uv kalga nuurrâđ tálvivuárháid.

Suáhi vyerkkee lostâruánáá muorâ veddiġ, ovssiġ já ruuġon.

Tienuuvt tot piergee čoođâ táálvi.

Já talle,

ko lostâruánáá lii jottáám ovssiġ, muorâ ruuġon já veddiġ räi,



te iteh ruopsis já fiskis ivnesuoivuuh.

Suávi loostah muttojeh ruopsâdin, fiskâdin tâi ruopsisfiskâdin.

Mast suáhimuorâ tiätä,

ete tálvli lii puátimin

já toos kalga ráhtáđtškyettiđ?



Suáhimuorâ tiätá, ete lii čohčâ,
ko miinii lii ucceeb.

Tiädáh-uv tun,
ete mii čohčuv lii ucceeb?

Muštáh-uv tun, ete mii juovlâi ääigi ij lah ollágin tääbbin tavveen,
ko miinii lii moonnâm juovláluámun?
Mii ij čohčuv vaje pajaniđ innig uáli ollágâsân
já juovlâi ääigi tot ij paijaan ollágin?
Mii tot lii?

Tâi jis juurdâš târhibeht,
te talle eennâmpállu lii jorgettâm eerti
já tot miinii lii pááccám olgoláá?
Mii tot lii?

Tot lii tot, mii keessiv ängiruš čuuvtij
já puoh šaddeh, ko tot pástá čoodâ peeivi.
Já tääbbin Laapist tot pástá meid iho!
Na, tothân lii tiädust-uv piäiváš!

Čohčuv, ko piäiváá čuovâ lii ucceeb,
te šadoh tiettih, ete tälvi aldan
já toos kalga ráhtádättâđ.


Ko piäiváš pástá innig peiviv já eehid ciähháá,
te suáhi já sare já maanġah eres šadoh tiettih,
ete čohčâ lii puátimin
já lostâruánáá kalga pieijâđ vuárkán.

Nuuvt soovij, soorij já maanġai eres šadoi loostah
muttojuh ruopsâdin já fiskâdin.
Talle tälvi lii jo viehâ alda.

Čohčâculáiditmijguin,


Elska


Čoovčâ culáiditmijđ hammij säännin Kristiina Aikio. Jurgálus Tanja Kyrö.




Loppâculáiditem

1. Sáárgu suáhimuorâ čohčuv. Mon ivnâsiih ton loostah láá eidu tääl?
2. Ivniij sare ton ivnâsâžžân, ko tot lii luándust eidu tääl.
3. Nuurâ jieškote-uv ivnâsijđ loostâid já puudâld tain piäiváá, mii pástá tuš uccáá já vinnjood, ko lii čohčâ!





Nommâ:



Nommâ:
